

憲示第二十八號

輔政使司史

曉諭事現奉

督憲札開本月二十五日即華是月二十四日除禮拜日外一連兩個禮拜每日由早九點鐘起至三點鐘止各營官定於昂船洲南海濱炮臺及東邊炮臺操演炮位其炮由昂船洲直向西南方開放爾各船戶人等切勿駛近炮碼所去之處以免不虞勿忽等因奉此合亟出示曉諭爲此特示

英一千八百八十九年

正月

二十三日諭

憲示第三十一號

輔政使司史

懸賞購拿事現奉

督憲札開山上包雲道前經有人將該道欄杆拆毀殊屬不法飭即究拿等因奉此合亟特諭爾諸色人等有能將該人報差因而拿獲者則賞給花紅銀壹百大圓爲此賞格是實

一千八百八十九年

正月

二十六日示

憲示第三十四號

輔政使司史

曉諭事茲奉

督憲札開飭將總緝捕司所出諭示一道開列於下等因奉此合亟出示曉諭爲此特示

一千八百八十九年

正月

二十六日示

香港總緝捕司田

曉諭事現奉

爲

督憲札開諭准華人於除夕元旦等期燃燒爆像等因奉此遵經本司

按照一千八百八十六年第九條則例諭知爾等倘欲燃燒爆像須遵下列定限而行不得拋高過於人頭上或拋近人身或拋近着火之物等處並須加意提防以免不測如因不慎致罹其害則爲該人是問業已嚴飭各差役等倘見有燒竹炮及不遵下列各限並示內各條款擅燒爆像等件立即拘案究懲決不姑寬各宜凜遵毋違特示

計開准燒爆像限地限時二則

上至城隍廟街下至皇后大道第五號差館迤西一帶准由正月三十日即華人除夕下午四點鐘起至二月初一日即華人正月初二日下午四點鐘止

上至城隍廟街下至皇后大道第五號差館迤東一帶准由正月三十日即華人除夕下午四點鐘起至正月三十一日即華人正月初一日晚九點鐘止

一千八百八十九年

正月

十五日示

憲示第三十九號

輔政使司史

曉諭事現奉

督憲札開招人投接在香港國家花園安放水喉等件所有投票均在本署收截限期收至西歷本年二月初八日即禮拜五正午止如欲領投票格式可赴本署求取倘另欲觀看章程及知詳細者前赴工務司署請示可也各票價列低昂任由

國家棄取或總棄不取亦可等因奉此合亟出示曉諭爲此特示

一千八百八十九年

正月

二十六日示

爲